

奉天通志

十三通之五

奉天通志卷二百

人物二十八

鄉獻

鄉獻

自來豪傑之士無待而興吾奉僻居關外士生其間旣未獲親炙聖門復不近聖人之居而鄉先生抗心希古以企作聖之徒如熊岳王氏錦州章佳氏醫巫閭賀氏皆世濟其美擬以鄒魯之文明彬彬然無稍讓也其餘敦品勵節言可爲表行可爲坊或崇祀於鄉賢或易名於身後均足動人高山景仰之思焉爰述鄉獻金

王政

王遵古

趙臧

耶律有尙

明

顧能

耿賢

胡深

賀欽

賀士諮

陳壽

魯義
子綸

李恭

陳珍

孫磐

王鉉

李遇春

馮裕

徐景嵩

齊有

張雲霖

何鑛

劉天祿

龔勳

徐潮

清

達海
雅秦

伊桑阿

阿蘭泰
富寧安

溫達

穆和倫

顧八代

瑪爾漢

來保
成麟

福敏

阿克敦

尹繼善

慶桂

三寶

托津

文祥

文慶

金

王政 辰州熊岳人後漢王烈之後烈始徙遼子孫散處東夷十

七世孫文林仕高麗又八世曰樂德居渤海樂德之曾孫繼遠仕東丹王因家遼陽繼遠五世孫永壽遼天慶中始遷蓋州之

熊岳遂占籍焉

王氏家牒

永壽長子政本名南撒里遼季高永昌據

遼東知政材略欲用之不就永昌敗渤海人爭縛以爲功政獨逡巡引退吳王棟摩聞而異之言於太祖授廬州渤海軍穆昆從破白霫下燕都皆有功及伐宋滑州降留政爲安撫使釋繫囚發倉廩民大悅時州郡皆殺守將爲宋守獨政至州遠近降附宗望撫其背曰吾以汝爲死矣乃復成功耶慰諭久之尋除同知全勝軍節度使時軍旅始定筦庫未立吏因緣爲奸政獨明會計嚴局鑰出納無錙銖之失吳王棟摩戲之曰官久而不

加富何也對曰政以揚震四知自守安得富吳王笑曰前言戲之耳以黃金乘馬遺之天眷元年仕至保靜軍節度子遵仁遵義遵古俱有才名

盛京通志

王遵古 字元仲金吾衛上將軍政之子正隆五年進士明昌時以澄州刺史入侍講讀上憫其老擢爲中大夫翰林直學士無豫撰述入直則奏聞霖雨免入直遵古才行兼備潛心伊洛之學言論皆可紀述章宗所謂昔人君子者也子孫以昔人名所居之山而君子名其泉所謂志也章宗又賞御製詩以示其子庭筠其引云王遵古朕之故人也弟遵仁遵義俱有才名子庭筠字子端早有重名

別有傳

庭玉字子溫由內鄉令仕至同知遼州軍事庭堅字子貞庭掞字子文俱有時名

遼志略

由太子司經

倅博州重修文廟好學守道當時稱遼東夫子

金萃石編

趙賊 字德固遼東人仕遼補閣門祇候累遷太子左衛率歸金後以伐宋攻眞定有功累陞檢校尙書右僕射五年同知信德府路統押軍兼沿邊安撫使明年權知濟州八年從定河南授隴州團練使及齊國廢授賊宿州防禦使統本路軍賊重義喜接儒士嘗以事至汴有故人子負官錢百萬以橐金贈之其子悉爲私費復代輸之後坐事罷海陵時起爲保大軍節度使再入爲太子詹事鎮沁南卒

遼志海略

耶律有尙 字伯強遼東丹王十世孫受業許衡人莫不服其爲有道君子至元十年衡還鄉里朝廷以有尙爲助教嗣領其學事久之出知薊州以寬簡得民裕宗在東宮召爲詹事長史復

除國子監司業時學館未建師弟子皆寓居民屋有尙屢以爲言二十四年乃大起學舍始立國子監增廣弟子員陞任國子祭酒儒風爲之不振尋辭職大德時以安車召之復起爲昭文館大學士兼祭酒有尙前後五居國學其立教以義理爲本而省察必眞以恭敬爲先而踐履必端身爲師表數十年海內宗之致仕朝廷賜楮幣七千緡卒賜文正

盛京通志

明

顧能 定遼前衛人性剛直與人寡合天順元年進士授戶部主事有清操生平不妄受一錢監收通州糧盡革諸弊再往淮安收錢計一歲所入九倍於昔尋陞本部員外郎成化初天下清官四員能居都御史楊繼宗之次憲宗刻石於便殿柱上

盛京通志

耿賢 定遼前衛人成化間由指揮陞都指揮僉事掌都司印備
禦金復鐵嶺尋守備寧遠轉右參將分守開原善撫士卒不妄
交際致仕歸所屬憫其清苦各餽金幣賢悉分之軍士後卒葬
城東杏山與其師顧能墓相近詩人弔之以爲師弟雙清云

盛京

通志

胡深 定遼後衛人天順八年進士授監察御史剛正嫉邪不避
權倖成化初與同官言大本未建異端太盛進退賞罰未公財
用工役未省賑濟無策備禦無方凡八事帝優詔答之又上疏
請斥奸邪痛詆大臣劾大學士商輅兵部尙書陳信禮部尙書
姚夔等爲忌者所中謫黔陽縣丞稍遷鬱林知州卒於官祀鄉

賢

明史傳
三十三

賀欽 字克恭其先浙江定海人以戍邊籍義州又家廣寧少好學成化二年登進士授戶科給事中直言敢諫師事陳獻章弘治改元用閣臣薦起爲陝西參議未至而母死乃上疏懇辭且陳四事一資眞儒以講聖學二薦賢才以輔治道三遵祖制以處內官四興福樂以化天下疏凡數萬言指王振曹吉祥汪直輩陷君誤國蠹政害民內不可使豫大政外不可使掌兵權尤爲切要奏入報聞正德四年太監劉瑾括遼東田東人震恐義州守又貪橫民變聚衆劫掠相戒曰勿驚賀黃門欽聞之急諭禍福以身任之亂遂定欽學不務博涉靜思默識專讀四書六經小學期於反身實踐每教人讀白鹿洞教條嚴爲己爲人之辨隱居醫巫閭山下讀書之暇釣游凌溪有醫巫閭集行世沒

後鄉士大夫爲之立祠於釣臺天啟中追諡恭靖

明史儒林傳

賀士諮 欽之子通敏博學陳白沙一見稱之既領弘治壬子鄉

薦抱道自娛絕意仕進後都御史張文錦薦其才應詔陳務實

學存敬慎謹細微親賢遠邪十二事不報卽辭歸

同上略遼海志

陳壽 字本仁其先新淦人祖志弘代兄戍遼東遂籍寧遠衛壽

少貧甚得遺金坐至夜分還其主從賀欽學登成化進士授戶

科給事中言時政無隱彈劾不避權貴弘治中以右僉都御史

巡撫延綏敵兵入掠擊卻之未幾和碩托囉

原作火羅

率衆大至

壽自出帳擁數十騎據儿指揮敵疑之遂引去既而授諸路將

領方略邀擊之皆克捷軍聲大振尋還以右副都御史掌南院

正德初劉瑾矯詔逮南京科道戴銑等壽抗章論救瑾怒罷其

官九年復起巡撫陝西盜賊屏息廉名尤著夏大旱減刑清獄

齋心誠禱乃雨歲大熟尋拜南京兵部侍郎陝人呼號擁輿移

日不得行進刑部尙書致仕卒年八十三

明史傳三十八

魯義

魯綸

義字時宜定遼衛人成化戊戌進士十六年任金壇

縣知縣以抑奸頑扶善良爲己任祀名宦子綸字孔言少孤事

母孝登正德丁丑進士授南京兵科給事中建白彈劾無所忌

尤注意江防武備時有內守備官恣橫綸奏劾處治一時股慄

尋陞江西按察司僉事卒於官囊無餘貲

全遼志人物

李恭

字思敬定遼左衛人成化己丑進士授無錫縣知縣以清

苦勤儉修六事故俗喪葬糜費諭以禮不悟者且笞之俗漸變

以政績卓異擢太僕寺丞奉命俵馬宣府路出居庸有張指揮

者懷金送恭正色拒之曰剝膏脂於民身以厭當道者之口仁者固如是乎愧謝而去卒於京邸前國史編修國子司業京口費閭爲撰墓表其序內行鄉人稱實錄焉

全遼志
人物

陳珍 義州衛人中成化甲午山東省元登乙未進士授戶部主

事轉員外郎奉命察兩淮鹽課擢陝西按察僉事進副使整飭

肅州兵備在陝十六年屢加褒賜以內難還遼東巡撫張璪薦

珍可大用終不起遼人士無遠近願執經請益其教子孫以守

禮尙儉爲先壽七十有八卒巡撫張貫爲撰墓碑曰世人每苦

時過後學以爲難成及入仕途則鐘鳴漏盡不知止若珍年幾

三十始力學能取省元連捷甲科官至憲副卽歸休又能成後

學教子姓可不謂豪傑之士乎世以爲名言

全遼志
人物

孫磐 字伯堅定遼右衛人弘治九年進士知陵川縣抑豪強卹孤弱使貧富各得其所尤殫心風教窮鄉徧立社學集養正篇小四書蒙養大訓悉刊布之調吳縣奏最陞主事觀政刑部上疏言近日諫官以言爲諱請定爲四等最上不避禍患抗彈權貴其次揚清激濁能補闕拾遺又其次建白時政有裨軍國皆分別擢敘而粉飾文具循默不言者則罷黜之庶言官不至曠廢不見用尋擢吏部主事正德元年宦官漸用事磐復上疏言今日弊政莫甚於內臣典兵乞盡撤各鎮守中官專以邊務責將帥不從時劉瑾得志深嫉之斥磐爲奸黨遂免官瑾誅復起河南按察司僉事值流賊猖獗資給軍餉鎧仗以至保障留都遏賊東殄磐之籌畫居多

盛京通志
遼海志略

王鉉 字伯舉早孤事繼母孝弘治壬戌進士知江夏縣多惠政捐俸貸貧士立漏澤園葬死之無所歸者民謠曰江夏孰福澤沃枯骨陞戶部主事抗逆瑾罷歸謝人事雖飲射亦不赴事兄錡甚恭同僚有官遼東者鉉遠嫌一無所干及諮訪事宜嘗以開邊爲戒與賀士諮李遇春問訊往來多所自得云祀遼陽鄉

賢祠

全遼志
人物

李遇春 字朝陽定遼前衛人弘治乙卯鄉試中式授鄭州學學正校文順天丁內艱家嘗火災遇春唯抱神主而伏餘無所問學以體認天理爲主又以主敬在心性上作工夫置年譜錄記後陞唐府紀善輔王以道誼加長史致仕所著有冷菴文集祀

遼陽鄉賢祠

全遼志

馮裕 字伯順號閭山廣寧左衛人祖籍山東明初徙貫遼東數傳至裕師事賀欽講學有契悟登正德戊辰進士授華亭知縣邑人稱其逢迎雖拙撫字多勞改知蕭縣陞晉州知州南京戶部員外郎平涼知府未任調石阡府有惠政擢貴州按察兵備副使治普安諸夷能因俗撫定不爲亂尋罷歸裕生四子及孫曾皆有文名後先登科甲卒祀華亭名宦青州鄉賢及廣寧鄉

賢祠

全遼志
人物

徐景嵩 字伯瞻定遼中衛人正德九年進士咸寧知縣陞戶科給事中彈劾不避權貴歷河間知府山西按察副使尋罷官性孝友弟景岐歿爲撫其遺孤居城北之乾河不輕入城郭監司以下篤其誼相與諮詢有沙洲稿四卷卒祀遼陽鄉賢祠

全遼志

齊有 字進之廣寧右衛人以子宗道貴封四川道監察御史少
讀書習知當代典章事親至孝養舅氏如母撫弟能不相尤瘡
嘗擬遼東四事以貽仲子建白曰復歲輸嚴烽堠覈馬政明賞
罰累數百言生四子長宗賢舉人仲卽宗道餘以才武居家理
居鄉遜年八十五終巡撫蘇志臯撰墓銘以諸子之賢家教爲
多祀廣寧鄉賢祠

全遼志

張雲霖 字子潤廣寧左衛人嘉靖庚戌進士授行人司行人爲

人剛直有氣方擬臺省之用無何卽世鄉評曰飭躬勵行杜絕

公門苦學甘貧卒成大志祀廣寧鄉賢祠

全遼志人物

何鑛 字汝礪遼陽後衛人性耿介不苟同於人讀書孝友嘉靖

乙酉中山東鄉試授元城縣知縣清苦自勵臨民多惠愛時早

蝗不爲災北虜入犯井陘巡撫劉寓以鑄才堪治劇薦調贊皇防禦安民有成績陞涿州知州去之日父老攀送小兒百數輩戀送於途在涿州善治豪右不敢擾民陞西安府同知引年致仕還鄉里以義方教子鄉評推重巡撫江東鑄鄉舉同年也折簡數招不赴及遷秩當行鑄始就爲別不言他事江歎息而去年七十以壽終從祀遼陽鄉賢祠

全遼志
人物

劉天祿

字本學廣寧中衛人性純樸言行一致居家孝友人無

間言由太學生任河南臨漳縣縣丞有善政祀廣寧鄉賢祠

全遼

志人
物

龔勳

字紀常廣寧左衛人家貧事父母孝累試山東不第有同

會友長勳二歲貧苦過於勳名次勳下遂稱病讓貢及勳授晉